



*In Arzgebirg is wahrlich schie,
wenns draußen stürmt un schneit,
un wenn de Peremett sich dreht,
is unnre schennste Zeit!*



Saht naar hie!

Saht naar wie die halln Lichte
lechn in dor finstern Nacht:
Saht den Glanz of de Gesichter,
horcht nár wie des singt un lacht!
Saht de Peremit siech drehe
mit ne Bargaufzug un aa
mit de Schof un mit de Rehe,
Förschter un dor Reißichfraa!

Saht nár hie un loßt eich schenkn:
Fraad in darer schenstn Zeit!
**Aber tut fei aa dra denkn:
Friedn hobn wolln alle Leit!**

Manfred Pollmer



Saht an Christbaam nár des Flimmern
Bargma, Engel stenne do,
un von Lichteckranz, do schimmern
aa de buntn Karzn ro!



FAHRDIENST

Wer am 08.12.2022 abgeholt und auch **wieder nach Hause**
gefahren werden will, der möchte bitte bis 17:00 Uhr anrufen:

Johannes Wüst, Tel.: 3807



Unner Blatt`l



Nummer
213

Mitteilungsblatt des
Erzgebirgischen Heimatvereines
Eibenstock e.V.

Dezember
2022



Su wos ka mor nár ofn Auerschbarg dorlaabn!

Eimstock würdicht vordienstvolle Bürcher

Des hätt siech unner Matthias net draame lessn! Su schnell werd dar den 12. November anno 2022 net vorgassn: Zur Ehrung vu de Stadtbestn in diesn Gahr hat unner Voreins-Chef net de brongsene, net de silborne, naa de ieberalles strahlnde Goldmedalje vu unnern Bürchermaaster ieberreicht kricht. Vu dene goldne gobs nâr zwee, de annere wurd in ehemalsch Landrat Vogel aus dor Sose ieberegabn. Mei lieber, suweit muss mor erscht emol in Eimstock komme, des mor esu groß geehrt werd! Fast dor gesamte Vürstand vu unnern Haamitvoren war awaasnd, als unner Antina su ne - wie dos haaßn tut – Laudatsjo – vürgelaasn hat, suzesogn als Begrinding, warim unner Matthias su ne Huhe Ehr zetal werd:

für die Leitung des Stickereimuseums Eibenstocks von 1991 bis 2021, die Leitung des Erzgebirgischen Heimatvereins Eibenstock e.V. sowie seine Verdienste zur Pflege der Städtepartnerschaft Biebortal - Eibenstock



Herzlichen Glückwunsch, Glückauf Matthias!

Wir gratulieren unseren Heimatfreunden

Karin Weidlich	am 03.12.	zum 71. Geburtstag
Monika Jung	am 13.12.	zum 63. Geburtstag
Sigrid Oswald	am 14.12.	zum 73. Geburtstag
Erika Nötzold	am 22.12.	zum 83. Geburtstag
Lothar Richter	am 22.12.	zum 61. Geburtstag
Annemarie Baumgarten	am 25.12.	zum 97. Geburtstag
Holger Wiech	am 30.12.	zum 62. Geburtstag



Als neues Vereinsmitglied begrüßen wir: Denise Ullmann

Nicht die Menschen, die immer gewinnen sind die stärksten, sondern die, die niemals aufgeben.

Unner letzter Hutznobnd 2022 is dor Lichtlobnd am Donnerstag, 08.12.2022, 18.00 Uhr im Hotel „Am Bühl“



Bitte Teilnahme im Museum Tel. 2141 bis zum 6.12. melden! Wie jeds Gahr söllt jeder e klaans Geschenk diesmol su üm de 10 € net vorgassn !!!



All unseren Mitgliedern und Freunden wünschen wir eine frohe und besinnliche Weihnachtszeit sowie alles Gute im Neuen Jahr 2023 !

Allis hat siech gefreit ieber de schenn zamgestelltn Biddle un Vidjos vu dar schenn Ausfahrt vu Schwarzberg bis nooch Annabarg nauf. Un weils aa esu schie war in Sptember zur Bautznausfahrt, wurd dar Film aa noch emol beguckt. Schließlich gobs aa noch in Rickblick zu nor




Kramserfahrt anno 2005, die uns dozemol zu de Riesnberger Häiser gebracht hat. Do warn aa noch welche dorbei, die nu nimmer unner uns weiln... Aber su is nu mol des Labn, gestn warn die dra un mir hoffntlich erscht iebermorgn! Desserwagn wolln mir immr wieder lustiche Hutznobnde un allis, wos uns noch esu eifällt aa im nächstn Gahr wetter machen - sulang mir halbnwegs gesund bleibn!

In diesn Sinn – bis zen nächstn mol –
eier Schmidt



Warim iech miech of Weihnacht frei

Do gibts die gute Asserei,
schu frieh giehts lus mit Stolln,
do gieht mor in de Volln!
Schokoladnzeich un Pfafferkuchn,
do braucht mor net lang rimzesuchn.
Zen Mittogassn Neinerlaa,
vun Hosnbrotn e Hinnerbaa,
Rutkraut gibts un griene Kließ.
Schwarzbeer – zart un süß,
Vanilleeis mit Sahne,
tut enn zen Aufhärn mahne!



Un Obnd, do ward vordrückt
noch e Saubaa in Aspik,
Salami, fette Zungewurscht,
Bier dorzu, mor hat aa Durscht!
Un schläft mor ei,
do gibts kaa Froch,
treimt mor vun zweetn Feiertoch!
Un is dor Bauch gerammlt voll -
morgn gibts desselbe noch emol!
Un abn diese Asserei
is des, warim ieh miech of Weihnacht frei!

Werder Kempf

Wenns nār ball im sechse wār un de Tür gäng auf,
ofn Budn rumplts sehr ging do net wer nauf?
Aa in Schrank un in dor Eckn kunnt mor mannichs gut vorsteckn.
Jeder hat sei Haamlichkeit in dar schennstn Weihnachtszeit.

Wenns nār ball im sechse wār, alle wartn drauf,
aus dor Küch riechts immer meh, Brotnduft steicht auf.
Griene Kließ un Gänsebrotn söll dor Mutter gut gerotn.
Kinner, ball is Assnszeit, Neinerla gibts heit!

Wenns nār ball im sechse wār, dor Rupprich schleicht schu rim,
bischpern tuts un rascheln sehr Haamlichkaat gieht im
Mancherla gibts aazerichtn de Geschenker aufzeschlichn
Herrnooch, Kinner, is suweit: is is Bescherungszeit!



Voreins-Bastln im Gahr zweezwanzich



Am 3. Novembor wars wieder emol su weit: Is jährliche Bastln war aagesaat!

Do gabs natierlich erscht ze ieberlegn, wos dies Gahr mol dra wär. Im letzn wars ja is Resterbastln. Vielleicht emol e Weihnachtswichtl? Die Idee wurd schnell vun unnern Bastlertiem aufgenomme un de erscht Vor-suche nahme Gestalt aa – wenn mor des for su e Wichtl sogn kaa. Einichs mußt ja nu vürbereit warn, zen Beispiel de Mitzn, die sei vürgenäht wurn, Bartle zugeschnietn, e Stickl Droht for jedn, eweng Dekozeich un vor alln Zappn. Vu jedn 50 Stickl, denn mor muss ja dormit rachne, des wie immer an su en Tog viel vu unnern Leitn kumme.



dor Küch samt dor Undine schie aagericht un uns serwiert, geschmeckt hatts wie immer bestns. Aber itze zen Bastln:



Zeerscht wurn de aanzln Biddle per Biemer na dor Wand nageworfn, Schritt vor Schritt als klaane Aleiting. Un dann gings aa schu lus: Imkrampfn vu de vürbereitn Mützn, ne runds Nosnstickl nauflabn, e Stickl Droht im de Zapp wickln un durch de Mitz in dor Spitz

durchfadln, in vürge-schnietne Bart naa-klabn un schu war des Wichtl fast fertich. Nu konnt siech e jeds noch vun den Tisch Dekomaterjal aussuchn un auf des Mannl draufmachn, jeder halt nooch sein eichne Geschmack.



Oder mor konnts aa noch eweng bespriehe mit solch Glitzerzeich, wos is itze ze kaafn gibt. Do gobs aber aa welche, die ham vielleicht den Droht net durchs Mitzl kricht, die ham siech e klaans Holzbrattl genomme un des Wichtl abn annerschrim do nauf gebabbort. Des Ganze hat siech dorwagn

eweng hiegezugn, eh allis gewerkl't war, aber is hat wieder Spaß gemacht un bei jedn sah dar fertiche Wicht halt eweng annersch aus, su söllts ja aa sei! Als alle langsam wieder zur Ruh kame, - naa, des is falsch ausgedrückt, Ruh is nie bein Hutznobnd. is werd immer drauf lus geschnattert - wurd dor fertiche Film vu unnerer Dampfeisnbah gezeichnet.



...zur Seite 6 giehts!